

E Piscador Baluarte y e Abrazo Grandi



Pa. Roland W. Peterson

E ta para dilanti di e spiel
Tras di su lomba e imagen ta para
cu un sonrisa orgujoso
Un imagen cu e conoci hopi bon
Un imagen cu ta graba den su curazon
E ta bira rond, pero ningun hende ta para su tras
Awor e ta wak atrobe den e spiel
E imagen no tei mas

Cu su dedenan frieuw e ta mishi cu e spiel
E ta sinti un calor den e spiel
E kier carisia e spiel

E sa ... e sa cu e ta den su presencia
No awe so, pero tur dia
Semper e ta sinti su presencia
Y, ta hole e dushi fragancia

Pero awe ... awe e a mirele pa prome bes
No ... no e no ta su imaginashon
Awe e ta laga sa cu e lo tei
E lo tei pa e Nominacion-Piscador Baluarte
Awe ta e dia cu e lo a dune e Abrazo Grandi

E bashi den su curazon
Ta hasi dolor
E sa cu nunca mas e lo mirele,
Scuchele of tocele

Durante e corido den auto
E ta blo pensa riba e temponan
Cu nan a pasa hunto
E piscamento, e weganan di carta
E harimentonan y e bon consehonan

E ta stationa e auto
Y prome e baha e ta susuro
Thanks... Dad.

